

# სსსპი სსრსპსსსპი

№428 (2) 22 თებერვალი, 2021 წ.

## კობა ლურსმანაშვილია ჯეივისტრაციული ერთეულის წარმომადგენლებთან საპროექტო შეხვედრის მონაწილე



სარაგაულის მერიაში ადმინისტრაციულ ერთეულებში მერის წარმომადგენლებთან საპროექტო შეხვედრა გაიმართა, რომელსაც მუნიციპალიტეტის მერი კობა ლურსმანაშვილი ხელმძღვანელობდა. თათბირზე მერმა მოადგილეებთან ერთად რამდენიმე მნიშვნელოვანი საკითხი განიხილა.

საუბარი შეეხო „სოფლის მხარდაჭერის პროგრამის“ დაწყებას, რაზეც კობა ლურსმანაშვილმა წარმომადგენლებს მოსახლეობის მაქსიმალური ინფორმირებისკენ მოუწოდა.

„საპროექტო წინადადების შემუშავება-

ში ადგილობრივებს სრული თავისუფლება მიეცით, მოსახლეობამ თავად უნდა გადაწყვიტოს, რისი გაკეთება სურს, თუმცა, თქვენ ვალდებული ხართ, არჩევანის გაკეთებაში მიეხმაროთ, პრიორიტეტები შეაშველოთ. გაითვალისწინეთ, რომ საერთო კრებებზე წარმოდგენილი უნდა იყოს ადგილობრივების მიერ კოორდინირებული და გუნდურად მიღებული სოფლისთვის საჭირო პროექტები“, - აღნიშნა სარაგაულის მერმა.

მერმა ასევე მინის რეგისტრაციისა და მინაზე საკუთრების აღიარების საკითხები

მიმოიხილა და წარმომადგენლებს მოუწონა, ნებისმიერი გადაწყვეტილება კანონის ფარგლებში მიიღონ. კობა ლურსმანაშვილმა ამ საკითხზე სრული კონტროლი წარმომადგენლებთან კოორდინაციის განყოფილებას დაავალა.

შეხვედრაზე განიხილეს სოფლებში არსებული გამოწვევები, ისაუბრეს ინფრასტრუქტურულ პროექტებზე. აღნიშნა, რომ წინა წლებში დაუსრულებელი პროექტები აუცილებლად დასრულდება და ზოგიერთი მათგანი ადგილობრივი ბიუჯეტიდან დაფინანსდება.

## საჩხერე-ჭიათურა-ხარაგაულის მაკრორეგიონული დეპუტატი პაატა კვიციანი ბარაგაულში მოქალაქეებს შეხვდა

ხარაგაულში საჩხერე-ჭიათურა-ხარაგაულის მაკრორეგიონული დეპუტატი, პაატა კვიციანი იმყოფებოდა, რომელიც მუნიციპალიტეტის მერს, კობა ლურსმანაშვილს, მერის მოადგილეებსა და სამსახურის უფროსებს შეხვდა.

შეხვედრაზე რამდენიმე აქტუალური საკითხი განიხილეს.

საუბარი შეეხო ინფრასტრუქტურულ პროექტებს, კერძოდ ყურადღება გამახვილდა იმ გზების რეაბილიტაციაზე, რომელთა შესრულებაც წინა წლებში, გარკვეული მიზეზებით, გაჭიანურდა.

კობა ლურსმანაშვილის ინფორმაციით, წელს დაფინანსებული 15 პროექტიდან სწორედ ასეთი პროექტების დასრულებას მიენიჭა პრიორიტეტი. „ახლა ხან ადგილობრივი თვითმმართველობისა და მაკრორეგიონული დეპუტატის ერთობლივი მუ-

შაობით მოხდა ახალი გეგმის შემუშავება, რომლის ფარგლებშიც მიმდინარე წელს, დამატებით კიდევ ოთხი გზის მშენებლობა განხორციელდება და ეს ადგილობრივი ბიუჯეტის თანადაფინანსებით მოხდება“, - აღნიშნა კობა ლურსმანაშვილმა.

შეხვედრაზე ისაუბრეს სტიქიის სალიკვიდაციო თანხების მობილიზებაზე. გაუღერდა ინფორმაცია, რომ სტიქიის ფონიდან პირველ ეტაპზე მილიონ ლარზე მეტი თანხა გამოიყოფა, რომლითაც ლეღვის თემში რამდენიმე პროექტი, ხოლო დაბა ხარაგაულში ბაზრის მიმდებარე ტერიტორიაზე საყრდენი კედლის მოწყობა დაფინანსდება.

მიმოიხილეს ძირულა-ხარაგაული-ჩუმათეთის გზის მშენებლობის საკითხი. აღნიშნულ თემაზე საუბრისას ხარაგაულის მერმა ხაზგასმით აღნიშნა, რომ უახლოეს



მომავალში მოხდება მშენებელ კომპანიასთან შეხვედრა და დაზუსტდება კონკრეტული დეტალები - როდის და რა ლოკაციებზე განახლდება გზის მშენებლობა, რადგან, როგორც ხარაგაულის მოსახლეობისთვის უკვე ცნობილია, დაბაში წყალარინების (კანალიზაციის) სისტემა უნდა მოწყონ და სამუშაოების განხორციელების არეალში გზის მშენებლები ვერ იმუშავენ.

შეხვედრაზე განიხილეს ჯანდაცვისა და

სოციალურ სფეროში არსებული მდგომარეობა და განმარტეს, რომ ეს არის ერთი ყველაზე კრიტიკულად მნიშვნელოვანი მიმართულება, რომელიც ყველაზე დიდი მომართვიანობა და მოქალაქეებს ამ კუთხით თანადგომა სჭირდებათ. ხარაგაულში სოციალური ბიუჯეტი წელს მილიონ ლარზე მეტია.

ხარაგაულის მერი ამბობს, რომ ყველა შემთხვევაში საკითხებზე ხარაგაულის ადგილობრივი თვითმმართველობა კოორდინირებულად მუშაობს მაკრორეგიონული დეპუტატთან და ეს ძალიან მნიშვნელოვანია.

ამავე დღეს საჩხერე-ჭიათურა-ხარაგაულის მაკრორეგიონული დეპუტატი პაატა კვიციანი ბიუროში მოქალაქეებს შეხვდა და იმ გამოწვევებზე ესაუბრა, რომელიც მათი მხრიდან იქნა დაყენებული.

## სარაგაულის მუნიციპალიტეტის მერი კობა ლურსმანაშვილი გაერთიანებული წყალმომარაგების კომპანიის იმერეთისა და რაჭა-ლეჩხუმის რეგიონალური ფილიალის უფროს მამუკა ქვათაძესა და ამავე ორგანიზაციის ხარაგაულის სერვისცენტრის მენეჯერ ტარიელ ავალიშვილს შეხვდა.

„სოფლის მხარდაჭერის პროგრამის წარმოების ფარგლებში“  
სარაგაულში 890 000 ლარი  
აღიხარება



„სოფლის მხარდაჭერის პროგრამის“ ფარგლებში ხარაგაულის მუნიციპალიტეტმა 890 000 ლარი მიიღო. აღსანიშნავია, რომ პროგრამის ფარგლებში გამოყოფილი თანხები, სოფლის მოსახლეობის უშუალო ჩართულობითა და მათივე გადაწყვეტილებით, მცირე ინფრასტრუქტურული პროექტების განხორციელებას მოხმარდება. პრობლემების შერევის პროცესში გადამწყვეტი მნიშვნელობა აქვს მოსახლეობის აზრს. სწორედ ამ მიზნით ყველა ადმინისტრაციულ ერთეულში შეხვედრები მიმდინარეობს, რომელსაც მუნიციპალიტეტის მერი კობა ლურსმანაშვილი მოადგილეებთან ერთად ესწრება.

სოფლის საერთო კრებები ჯანდაცვის სამინისტროს რეგულაციების დაცვით, ღია სივრცეში ტარდება, რომლის დასრულების შემდეგ, შედგენილ ოქმებს განიხილავს მერიის ინფრასტრუქტურის სამსახური და დასამტკიცებლად წარუდგენს საკრებულოს.

ამის შემდეგ, გამარტივებული შესყიდვით, დაიწყება ინფრასტრუქტურული პროექტების განხორციელება.

აქვე გეტყვით, რომ დასაფინანსებელი პროექტებით განსაზღვრულია: სასმელი წყლისა და სარწყავი სისტემების, სანიღვრე არხების მოწოდება; ნაპირსამაგრი სამუშაოები; გზებისა და ხიდების მოწოდება; გარე განათების ქსელის მოწყობა; სკოლების მიმდებარე ტერიტორიის, კულტურის ობიექტების, სპორტული ინფრასტრუქტურის, მოედნებისა და სკვერების მოწყობა და სხვა. სოფლის საერთო კრებები ყველა სოფელში ჩატარდება და თებერვლის ბოლოს დასრულდება.

სარაგაულის მუნიციპალიტეტის მერი კობა ლურსმანაშვილი გაერთიანებული წყალმომარაგების კომპანიის იმერეთისა და რაჭა-ლეჩხუმის რეგიონალური ფილიალის უფროს მამუკა ქვათაძესა და ამავე ორგანიზაციის ხარაგაულის სერვისცენტრის მენეჯერ ტარიელ ავალიშვილს შეხვდა.

გაერთიანებული წყალმომარაგების კომპანიის წარმომადგენლებმა დეტალურად ისაუბრეს დაბა ხარაგაულის უწყვეტი წყალმომარაგების ფარგლებში მიმდინარე სამუშაოების შესახებ და მერთან ერთად არსებულ გამოწვევებზე იმსჯელეს.

მხარეები შეჯერდნენ, რომ პროექტის ფარგლებში დაგეგმილი ლედვისის სათავე ნაგებობიდან დაბა ხარაგაულში შემომავალი წყლის სისტემის მაგისტრალის რეაბილიტაციის პერიოდში, არ მოხდეს დაბის ცენტრალური ქუჩების გადახრა. ხარაგაულის მერმა კობა ლურსმანაშვილმა გაერთიანებული წყალმომარაგების წარმომადგენლებს სამუშაოების განსახორციელებლად ალტერნატიული გზა შესთავაზა.

როგორც ბატონმა მამუკამ განმარტა, ის უშუალოდ შეხვედრა პროექტანტებს და აღნიშნულ საკითხს მათთან ერთად განიხილავს. მამუკა ქვათაძე იმედს გამოთქვამს, რომ შესაძლებელი იქნება პროექტი



ცვლილების განხორციელება, რაც საშუალებას მისცემს შემსრულებელ კომპანიას, უფრო მოკლე დროში დაასრულოს სარეაბილიტაციო სამუშაოები.

ხარაგაულის მერმა სოფელ თეთრანყაროს წყალმომარაგების საკითხზეც ისაუბრა და დააყენა წინადადება - ხომ არ იქნება შესაძლებელი, პროექტის დასრულების შემდეგ, მოხდეს ამ სოფლის წყალმომარაგებაც.

მამუკა ქვათაძემ მზადყოფნა გამოთქვა, რომ წყლის დეტების არსებობის შემთხვევაში, ეს საკითხი დადებითად გადაიჭრას. დასასრულ, კობა ლურსმანაშვილმა კოორდინირებული თანამშრომლობისათვის სტუმრებს მადლობა გადაუხადა და ხაზგასმით აღნიშნა, რომ გაერთიანებული წყალმომარაგების კომპანია უდიდესი პასუხისმგებლობით ეკიდება თავის საქმეს.

ხარაგაულის მერის ინფორმაციით, ამ მასშტაბური პროექტის განხორციელებაში

## სოციალური პროგრამების ფარგლებში ხარაგაულის მერია 1 105 400 ლარს დახარჯავს



ხარაგაულის მუნიციპალიტეტის მერიაში, სოციალურად დაუცველ და მძიმე ეკონომიური პირობების მქონე მოქალაქეებზე მატერიალური დახმარების გაცემის საკითხზე, კომისიის სხდომა გაიმართა, რომელსაც მერის პირველი მოადგილე ვარლამ ჭიპაშვილი უძღვებოდა.

კომისიის წევრებმა დეტალურად განიხილეს და იმსჯელეს შემოსულ განცხადებებზე. როგორც აღნიშნა, მიმდინარე წლის იანვრის თვეში მერიის ჯანდაცვისა და სოციალურ სამსახურს დახმარების თაობაზე მოქალაქეებმა სხვადასხვა საკითხზე მიმართეს. კერძოდ, კომისიის გადაწყვეტილებით, ხარაგაულის მუნიციპალიტეტის 2021 წლის ბიუჯეტიდან განსაზღვრული სოციალური პროგრამების ფარგლებში ფულადი დახმარება

გაიცა ახალშობილთა ოჯახებზე, ერთჯერად ფულად დახმარებას მიიღეს ასევე უკიდურესად შეჭირვებული რამდენიმე ოჯახი, თანადაფინანსება მოხდა საოპერაციო ხარჯებზე. გარდა ამისა, ქრონიკული დაავადების მქონე პაციენტებს დაუფინანსდა მედიკამენტების შექენის ღირებულება.

ჯამში, დაფინანსების საერთო მოცულობამ 35 000 ლარი შეადგინა.

აქვე გეტყვით, რომ ხარაგაულის მუნიციპალიტეტის მერია მიმდინარე წელს სოციალური მიმართულებით 1 105 400 ლარს დახარჯავს. ამ მხრივ მუნიციპალიტეტში 22 ქვეპროგრამა მოქმედებს.

საქართველო მოქალაქეებს გერმანიაში დასაქმება შეეძლება

გერმანიის შრომის ბაზარზე საქართველოს მოქალაქეებს დროებით, ლეგალური დასაქმება სამი თვით შეეძლება. დასაქმების მიზნით რეგისტრაცია უკვე დაიწყო, რომელიც მთელი წლის განმავლობაში გაგრძელდება.

აღნიშნულთან დაკავშირებით, ხარაგაულის მერის, კობა ლურსმანაშვილის, ინიციატივით, საინფორმაციო შეხვედრა გაიმართა, რომლის მთავარი მიზანი ამ საკითხით დაინტერესებული პირებისთვის ინფორმაციის სწორად მიწოდება გახლდათ.

შეხვედრაზე მერის თანაშემწემ ჟანა ნემსაძემ დეტალურად ისაუბრა რეგისტრაციის ყველა პროცედურაზე და, საჭიროების შემთხვევაში, ტექნიკურ საკითხებში ნებისმიერი მოქალაქის დახმარების მზადყოფნა გამოთქვა.

მოგახსენებთ, რომ გერმანიაში დასაქმება სოფლის მეურნეობის სექტორში სეზონურ სამუშაოებზე შესაძლებელი. სამუშაოს მაძიებელი კი პირველად რეგისტრაციას სპეციალურ სარეგისტრაციო პორტალზე <https://workabroad.moh.gov.ge> გადის. ასაკი 18 წლიდან 60 წლამდეა განსაზღვრული, გარდა ამისა, პიროვნება უნდა იყოს ჯანმრთელი და სასურველია საკომუნიკაციო ღონეზე ფლობდეს გერმანულ ან ინგლისურ ენებს.



რაციას სპეციალურ სარეგისტრაციო პორტალზე <https://workabroad.moh.gov.ge> გადის. ასაკი 18 წლიდან 60 წლამდეა განსაზღვრული, გარდა ამისა, პიროვნება უნდა იყოს ჯანმრთელი და სასურველია საკომუნიკაციო ღონეზე ფლობდეს გერმანულ ან ინგლისურ ენებს.

სეზონური სამუშაოები გერმანიაში პირველი აპრილიდან დაიწყება. სამუშაო დრო გულისხმობს 5-6 დღეს კვირაში (დღეში 8-10 საათი). მინიმალურ ხელფასად კი საათში 9.50 ევროა.

გთავაზობთ ჩამონათვალს, რომელ სფეროშიც ითხოვენ კადრებს: ვაზის გასხვლა; მინის კულტივაცია / დამუშავება; ყურძნის მოსავლის აღება; სატაცურის მოჭრა; კენკრის მოსავლის აღება (მარწყვი, მოცვი, ყოლო და სხვა); ხილის მოსავლის აღება (ვაშლი, მსხალი, ბალი, ქლიავი და სხვა); ბოსტნეულის მოსავლის აღება (კომბოსტო, პრასი, ბოლოკი, კიტრი და სხვა); სალათებისა და სამკურნალო მცენარეების/მწვანეების მოსავლის აღება; პროდუქტის დატვირთვა, ჩამოტვირთვა და ტრანსპორტირება; პროდუქტის დახარისხება და შეფუთვა; სანყობში მუშაობა.

დამატებითი ინფორმაციისათვის შეგიძლიათ, დარეკოთ ხარაგაულის მერიის ცხელ ხაზზე 0(433)223 225. ასევე, დაუკავშირდეთ ჟანა ნემსაძეს ტელ : 595 90 27 20.

თავდაცვის ძალების ერთნული გვარდიის წარმომადგენლები მერის პირველ მოადგილეს, ვარლამ ჭიპაშვილს, შეხვდნენ



თავდაცვის ძალების პოპულარიზაციის მიზნით, საქართველოს სხვადასხვა რეგიონში რეკრუტირების პროცესი მიმდინარეობს. აღნიშნული პროექტის ფარგლებში, ხარაგაულის მერის პირველ მოადგილეს, ვარლამ ჭიპაშვილს, თავდაცვის ძალების ერთნული გვარდიის რეკრუტირების სამსახურის იმერეთის ცენტრის წარმომადგენლები სტუმრობდნენ. მხარეებს შორის შედგა საინფორმაციო შეხვედრა, საუბარი შეეხო ასევე თავდაცვის ძალებში დასაქმების მსურველთა საკონტრაქტო პირობებს.

მერიის პირველმა მოადგილემ ხაზგასმით აღნიშნა, რომ ირაკლი ღარიბაშვილის სახით ქვეყანას ჰყავს ძლიერი თავდაცვის მინისტრი, რომელიც სათანადოდ პასუხობს ყველა გამოწვევას.

ამავე დღეს ჯარისკაცებმა შეხვედრა მოსახლეობასთანაც გამართეს და თავდაცვის ძალებში დასაქმების მსურველებს დეტალურად მიაწოდეს ინფორმაცია კონტრაქტის პირობებზე, ანაზღაურებასა და პროფესიული ზრდის შესაძლებლობებზე, აგრეთვე ამომწურავი პასუხები გასცეს აპლიკანტთა მიერ დასმულ კითხვებს.

აღსანიშნავია ის ფაქტიც, რომ საკონტრაქტო სამსახურის დაწყების შემდეგ მოქალაქეებს შესაძლებლობა ეძლევათ, დაეუფლონ სხვადასხვა პროფესიას.

აქვე მოგახსენებთ, რომ საკონტრაქტო სამსახური ოთხწლიანი და თანამდებობრივი სარგოს ოდენობა იზრდება წოდებისა და სამხედრო სტაჟის შესაბამისად.

სალანჩილის საზოგადოებრივი სამსახურის ბაზაზე ნაწარმი ალიკოვა



ხარაგაულის მუნიციპალიტეტის სოფელ სალანჩილის ახლად აშენებულ საზოგადოებრივ ბაზაში ინვენტარი მიიღეს. ინვენტარის მიღების პროცესს ხარაგაულის მერის პირველი მოადგილე ვარლამ ჭიპაშვილი, ამავე თემის მაჟორიტარი დეპუტატი დავით კიკნაძე, ბალების გაერთიანების დირექტორი მამუკა ჭიპაშვილი და მერის წარმომადგენელი გოგა კვინიკაძე დაესწრნენ.

ვარლამ ჭიპაშვილის ინიციატივით, სალანჩილის საზოგადოებრივი ცენტრის ყველა საჭირო ინვენტარი და საყოფაცხოვრებო ტექნიკა ადგილობრივი ბიუჯეტიდან შეიძინეს. მისივე თქმით, მიმდინარე წელს ხარაგაულის მუნიციპალიტეტში ორი სკოლამდელი დაწესებულების მშენებ-

ლობა დასრულდა, რომელთა დაფინანსების მოპოვებაში უდიდესი წვლილი მიუძღვის ხარაგაულის მერს, ბატონ კობა ლურსმანაშვილს.

„ჩვენი გუნდისთვის სკოლამდელი განათლება პრიორიტეტული მიმართულებაა. სწორედ ამას ვეცდებით, რომ ბოლო შედის წლის განმავლობაში ხარაგაულში 12 ახალი საბავშვო ბაღი აშენდეს, მათ შორის, ისეთ სოფლებში, სადაც ათწლეულების განმავლობაში სკოლამდელი განათლების დაწესებულებები არ ფუნქციონირებდა. ძალიან მნიშვნელოვანია, რომ ბავშვები სრულფასოვან, ადაპტირებულ და უსაფრთხო გარემოში იღებენ განათლებას.“ - აღნიშნა ვარლამ ჭიპაშვილი.

პირველ ეტაპზე სალანჩილის სკოლამდელი განათლების დაწესებულებაში ერთი ჯგუფი ამოქმედდება და 11 ადგილობრივი დასაქმდება.

აქვე გეტყვით, რომ აღნიშნული პროექტი მუნიციპალური განვითარების ფონდის დაფინანსებით განხორციელდა და, საერთო ჯამში, 700 000 ლარი დაიხარჯა.

დაბა სარაგაულში წყალარინების სისტემა მოქმედებს



ხარაგაულში წყალარინების (კანალიზაციის) სისტემის მოწყობა იწყება. აღნიშნულ საკითხთან დაკავშირებით შეხვედრა გაიმართა ხარაგაულის მუნიციპალიტეტის მერთან, კობა ლურსმანაშვილთან, რომელსაც გაერთიანებული წყალმომარაგების კომპანიის მშენებელი კომპანია „ჰიდროტექნიკური ჯგუფის“ და პროექტის შემდგენი „არქიტექტურის“ წარმომადგენლები ესწრებოდნენ.

მხარეებმა დაბა ხარაგაულის წყალარინების პროექტი დეტალურად განიხილეს და იმსჯელეს ქუჩების ეტაპობრივ დაქველვაზე, რათა არ მოხდეს გზის დაკეტვა.

მუნიციპალიტეტის მერმა კობა ლურსმანაშვილმა ხაზგასმით აღნიშნა, რომ ნებისმიერი სამუშაოს შესრულება მოსახლეობის ინტერესების დაცვითა და გათვალისწინებით უნდა მოხდეს.

როგორც პროექტანტი ამბობენ, საბოლოო დეტალების დაზუსტებას და ექსპერტიზის დასკვნას, დაახლოებით, ერთი თვე დასჭირდება. ამიტომ, მათი ვარაუდით, ხარაგაულში კანალიზაციის სისტემის მოწყობის პროცედურები მარტის ბოლოს დაიწყება.

„ხარაგაულისთვის ეს არის უპრეცედენტო პროექტი, რადგან დაბაში კანალიზაციის სისტემა არასდროს ყოფილა. ფაქტობრივად, ერთად განხორციელდება 24 - საათიანი წყალმომარაგებისა და წყალარინების პროექტი, რომელთა დასრულებასაც დაუყოვნებლივ მოჰყვება დაბაში ასფალტის საფარის დაგება, რომელიც ძირულა-ხარაგაული-ჩუმათელეთის გზის მშენებლობის ფარგლებში განხორციელდება. მინდა, ხარაგაულის მოსახლეობას ვუთხრა, რომ ეს პროცედურები არ იქნება სასიამოვნო, თუმცა ყველაფერს გავაკეთებთ, რათა გადაადგილების შეზღუდვები თავიდან ავიცილოთ.“ - აღნიშნა კობა ლურსმანაშვილი.

ჩინური კომპანია ხარაგაულის მუნიციპალიტეტში ინვესტიციას განახორციელებს

ხევი-უბისის მონაკვეთზე (F2) ავტობანის მშენებელი კომპანიის წარმომადგენლებმა ხარაგაულის მერიას ერთჯერადი გამოყენების სამედიცინო პირბადეები გადასცეს. პირბადეები პატარა ზომისაა და ის სკოლის ასაკის მოსწავლეებსაც შეეძლება. როგორც შეხვედრაზე აღნიშნა, აქცია არ იქნება ერთჯერადი ხასიათის და გარკვეული რაოდენობის პირბადეს ჩინური კომპანიისაგან მერია უახლოეს მომავალში კვლავ მიიღებს. ხარაგაულის მერმა ჩინური კომპანიის წარმომადგენლებს თანამშრომლობისთვის მადლობა გადაუხადა და შემდგომი ურთიერთობებისთვის მზადყოფნა გამოთქვა.

კობა ლურსმანაშვილის გადაწყვეტილებით, აღნიშნული პირბადეები საჩუქრად ხარაგაულის წმინდა ანდრია პირველწოდებულის სახელობის სასულიერო გიმნაზიის მოსწავლეებს გადაეცა.



ხარაგაულის მუნიციპალიტეტში სოციალური დახმარების გაცემა



ხარაგაულის მუნიციპალიტეტის მერია უკიდურესად შეჭირვებულ მოქალაქეებს სოციალური დახმარებების გაცემას განაგრძობს. აღნიშნული საკითხი ხარაგაულის მუნიციპალიტეტის მერის პირველმა მოადგილემ, ვარლამ ჭიპაშვილმა, ჯანდაცვისა და მერიის სოციალური დაცვის სამსახურის თანამშრომლებთან ერთად კიდევ ერთხელ განიხილა. ვარლამ ჭიპაშვილის განცხადებით, პანდემიით გამოწვეული კრიზისის დასაძლევად, მერია ამ

ეტაპზე საკვებ პროდუქტებს 25 000 ლარის ფარგლებში შეიძენს. ამ თანხით, ერთჯერადად, საკვები პროდუქტების ნაკრებს 500 ოჯახი მიიღებს.

აღსანიშნავია, რომ მერიამ მსგავსი სოციალური აქცია წინასაახალწლოდაც განხორციელა, რომელზეც 34 000 ლარი გახარჯა და საკვები პროდუქტები 700 ბენეფიციარს გადაეცა.

ხარაგაულის მერია სოციალურად დაუცველი და პანდემიით დაზარალებული მოქალაქეებისათვის გასცემს ასევე ერთჯერად ფულად დახმარებას 100-დან 500 ლარის ფარგლებში.

„ხარაგაულის მუნიციპალიტეტის მერის, კობა ლურსმანაშვილის, ინიციატივით, მიმდინარე წლის მარტის თვიდან ერთჯერადი ფინანსური დახმარების ლიმიტი 100 ლარიდან 500 ლარამდე გაიზარდა. ამ თანხით შეეძლება, მძიმე სოციალური ფონის მქონე მოქალაქეებს დავეხმაროთ, შესაძლოა, ეს საკმარისი არ იყოს, თუმცა საჭიროების შემთხვევაში და ჩვენი ბიუჯეტის ფინანსური მდგომარეობის შესაბამისად, სოციალური აქტივობები გაიზარდება.“ - აცხადებს ვარლამ ჭიპაშვილი.



